



TOSHKENT DAVLAT YURIDIK UNIVERSITETI REKTORINING B U Y R U G ' I

07.09.2023

146-um-son

Loyiha jamoasi tarkibini qayta tasdiqlash to'g'risida

Toshkent davlat yuridik universitetining 101048015-son "Jan Mone nomidagi Yevropa Ittifoqi huquqi kafedrası" (Project: 101048015-JMCEUL – "Jean Monnet Chair in European Union Law") loyihasi (identifikatsiya raqami: 101048015-JMCEUL-ERASMUS-JMO-2021-HEI-TCH-RSCH) Yevropa Ittifoqi tomonidan moliyalashtirish uchun tanlab olingani bo'yicha Yevropa Ittifoqi Komissiyasi Ta'lim, audivizual va madaniyat bo'yicha ijro agentligi (EACEA)ning 2021-yil 16-noyabrdagi EACEA/A1. Ares (2021) 7043950-son xatiga muvofiq,

BUYURAMAN:

1. Huquqiy tashabbuslar va innovatsiyalar markazi direktori S.Latipovning bildirgisi ma'lumot uchun qabul qilinsin.
2. Yevropa Ittifoqi va Toshkent davlat yuridik universiteti hamkorligida "Jan Mone nomidagi Yevropa Ittifoqi huquqi kafedrası" ("Jean Monnet Chair in European Union Law") qo'shma grant loyihasi (keyingi o'rinlarda – loyiha) a'zolari tarkibi 1-ilovaga muvofiq, loyihani amalga oshirish bo'yicha chora-tadbirlar rejasi 2-ilovaga muvofiq qayta tasdiqlansin.
3. Toshkent davlat yuridik universiteti rektorining 2022-yil 17-sentabrdagi 263-um-son buyrug'ining 1 va 2-ilovalari o'z kuchini yo'qotgan deb topilsin.
4. Loyihaning umumiy rahbari D. Umarxanova loyiha oldiga qo'yilgan vazifalarning o'z vaqtida va sifatli bajarilishini ta'minlasin.
5. Mazkur buyruq ijrosini nazorat qilish prorektor B.Xodjayev zimmasiga yuklansin.

Rektor v.v.b.



I.RUSTAMBEKOV

Kiritildi:

Direktor

S.LATIPOV



Kelishildi:

Ilmiy ishlar va innovatsiyalar
bo'yicha prorektor

B.XODJAYEV



Katta yuriskonsult

A.TURSUNOV



Bo'lim boshlig'i

S.MAMANAZAROV



Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

D.UMARXANOVA



Toshkent davlat yuridik
universiteti rektorining
2023-yil 7-sentabrdagi
146 um-son buyrug'iga
1-ILOVA

**Yevropa Ittifoqi va Toshkent davlat yuridik universiteti hamkorligida
“Jan Mone nomidagi Yevropa Ittifoqi huquqi kafedrası” (“Jean Monnet
Chair in European Union Law”) qo'shma grant loyihasi a'zolari
TARKIBI**

- | | | |
|----------------|---|--|
| D. Umarxanova | – | Xalqaro huquq va qiyosiy huquqshunoslik fakulteti dekani, loyihaning umumiy rahbari |
| N. G'afurova | – | Xalqaro huquq va inson huquqlari kafedrası mudiri, loyiha koordinatori, o'qitish bo'yicha modul rahbari |
| H. Yunusov | – | Jahon iqtisodiyoti va diplomatiya universiteti dotsenti, loyiha a'zosi, o'qitish bo'yicha modul assistenti |
| D. Valijonov | – | Xalqaro huquq va inson huquqlari kafedrası dotsenti, loyiha a'zosi, o'qitish bo'yicha modul assistenti |
| S. Ibodullayev | – | Xalqaro xususiy huquq kafedrası o'qituvchisi, loyiha a'zosi, o'qitish bo'yicha modul assistenti |
| U. Sherxanova | – | Xalqaro huquq va inson huquqlari kafedrası o'qituvchisi, loyiha a'zosi, o'qitish bo'yicha modul assistenti |
| A. Toyirov | – | Xalqaro huquq va inson huquqlari kafedrası o'qituvchisi, loyiha a'zosi, o'qitish bo'yicha modul assistenti |
| Sh. Almosova | – | Xalqaro huquq va inson huquqlari kafedrası o'qituvchisi, loyiha a'zosi, o'qitish bo'yicha modul assistenti |
| M. Parpiyev | – | Toshkent davlat yuridik universiteti bosh buxgalteri, loyiha hisobchisi |

Izoh: *Ishchi guruh a'zolari boshqa ishga o'tgan taqdirda shu lavozimga yangidan tayinlangan shaxslar yoki tegishli majburiyatlarni bajarish zimmasiga yuklangan shaxslar ishchi guruh tarkibiga kiritiladi.*

Toshkent davlat yuridik
universiteti rektorining
2023-yil 7-sentabrda
146 um-son buyrug'iga
2-ILOVA

**Yevropa Ittifoqi va Toshkent davlat yuridik universiteti hamkorligida “Jan Mone nomidagi Yevropa Ittifoqi huquqi kafedrası” (“Jean Monnet Chair in European Union Law”) qo'shma grant loyihasini amalga oshirish bo'yicha
CHORA-TADBIRLAR REJASI**

T/r	Chora-tadbir nomi	Amalga oshirish mexanizmi	Bajarish muddati	Mas'ul(lar)
I. Tayyorgarlik bosqichi				
1.	Yevropa Ittifoqi va Toshkent davlat yuridik universiteti hamkorligida “Jan Mone nomidagi Yevropa Ittifoqi huquqi kafedrası” (“Jean Monnet Chair in European Union Law”) qo'shma grant loyihasi (keyingi o'rinlarda – loyiha) logotipi, rasmiy blanki va flayerini ishlab chiqish	1. Loyiha logotipi va rasmiy blanki namunasini tayyorlash. 2. Loyiha haqidagi eng asosiy ma'lumotlarni o'zida aks ettiruvchi flayerni tayyorlash va talabalar orasida tarqatish.	2023-yil sentabr 2023-yil sentabr	Loyiha a'zolari, Jamoatchilik va OAV bilan aloqalar bo'limi
2.	Dastlabki muhokama (Kick-off meeting) o'tkazish	Loyiha a'zolari, mas'ul bo'linmalar vakillari hamda professor-o'qituvchilar ishtirokida dastlabki muhokama o'tkazish. Muhokamada loyiha shartnomasida belgilangan ish rejasining tafsilotlari, loyihani amalga oshirish bo'yicha vazifalar taqsimoti, moliyaviy qoidalar va ma'muriy boshqaruv tartib-taomillari hamda loyihani amalga oshirish uchun muhim bo'lgan boshqa masalalarni muhokama qilish.	2023-yil sentabr	Loyiha a'zolari, Xalqaro hamkorlik boshqarmasi, Huquqiy tashabbuslar va innovatsiyalar markazi

3.	Loyiha web-saytni ishlab chiqish va ma'lumotlar bilan to'ldirib borish	<p>1. Loyiha web-sayti (www.jeanmonnetcoe.uz)ni ishlab chiqish.</p> <p>2. Web-saytga loyiha to'g'risidagi ma'lumotlarni joylashtirish.</p> <p>3. Web-saytda ochiq ta'lim resurslari (open educational resources) bo'limini tashkil etish va uni barcha zarur ma'lumotlar (jumladan, onlayn kutubxona, ekspertlar haqidagi ochiq ma'lumotlar bazasi) va akademik manbalar bilan to'ldirish.</p> <p>4. Web-saytga loyiha doirasida amalga oshirilgan tadbirlar va uchrashuvlar to'g'risidagi ma'lumotlarni joylashtirib borish.</p>	<p>2023-yil sentabr</p> <p>2023-yil sentabr</p> <p>2023-yil sentabr</p> <p>Doimiy (loyiha yakuniga qadar)</p>	D.Umarxanova, loyiha a'zolari, Elektron universitet bo'limi, Jamoatchilik va OAV bilan aloqalar bo'limi
II. Loyihani joriy etish bosqichi				
4.	Xalqaro huquq va qiyosiy huquqshunoslik fakulteti bakalavriat bosqichi talabalari uchun mo'ljallangan "Yevropa Ittifoqi huquqi asoslari" o'quv kursi hamda magistratura bosqichi talabalari uchun mo'ljallangan "Chuqurlashtirilgan Yevropa Ittifoqi huquqi" o'quv kursini tanlov fan sifatida o'qitish.	<p>1. O'quv dasturi (sillabus)ni ishlab chiqish va tasdiqlash uchun kiritish.</p> <p>2. Har o'quv yili uchun jami 60 akademik soatga mo'ljallangan dars mashg'ulotlarini tashkil etish. Bunda, darslarni tashkil etish bilan bir vaqtning o'zida har bir dars mashg'ulotlari uchun o'quv materiallari va tarqatma materiallarni tayyorlab borish.</p>	<p>2023-yil sentabr</p> <p>2023/2024, 2024/2025 o'quv yillari</p>	D.Umarxanova, loyiha a'zolari, O'quv-uslubiy boshqarma (Registrator ofisi)
5.	"Yevropa Ittifoqining moddiy huquqi" o'quv kursini joriy etish.	<p>1. O'quv dasturi (sillabus)ni ishlab chiqish va tasdiqlash uchun kiritish.</p> <p>2. Har o'quv yili uchun jami 120 akademik soatga mo'ljallangan dars mashg'ulotlarini tashkil etish. Bunda, darslarni tashkil etishdan oldin dars mashg'ulotlari uchun zarur bo'lgan o'quv materiallari</p>	<p>2023-yil sentabr</p> <p>2023/2024, 2024/2025 o'quv yillari</p>	D.Umarxanova, loyiha a'zolari, O'quv-uslubiy boshqarma (Registrator ofisi)

		va tarqatma materiallarni tayyorlash.		
6.	“Yevropa Ittifoqi huquqi” darsligini yangi tahrirda tayyorlash va chop etish	1. Darslikni yangi tahrirda tayyorlash. 2. Darslikni tahrirdan o‘tkazish va chop etish.	2023-yil sentabr 2023-yil oktabr	D.Umarxanova, loyiha a’zolari, Tahririy-nashriyot bo’limi
7.	Yevropa Ittifoqi huquqiga oid maqolalar chop etish	1. Yevropa Ittifoqi huquqi, mintaqaviy integratsiyalar, YI-Markaziy Osiyo/O‘zbekiston aloqalariga oid jami oltita ilmiy maqolalarni tayyorlash va nufuzli xalqaro jurnallarda chop etish (e’lon qilish). 2. Chop etilgan (e’lon qilingan) maqolalarning qisqacha annotatsiyalarini loyihaning maxsus web-saytida joylashtirish.	2023/2024, 2024/2025 o‘quv yillari (har semestrda kamida 1 ta maqola)	Loyiha a’zolari
8.	O‘zbekiston Respublikasi Adliya vazirligi yosh xodimlari uchun ma’ruza mashg‘ulotlari tashkil etish	O‘zbekiston Respublikasi Adliya vazirligi yosh xodimlari uchun “Yevropa Ittifoqi tashqi aloqalari va Yevropa Ittifoqi huquqiy tizimining rivojlanish tendensiyalari” mavzusida ma’ruza mashg‘ulotlari (yilda ikki marta, jami 4 soat) tashkil etish.	2023/2024, 2024/2025 o‘quv yillari har semestrda	D.Umarxanova, loyiha a’zolari
9.	“Yevropa Ittifoqiga oid fanlar sohasida ta’lim va tadqiqot metodlari: o‘ziga xos xususiyatlari va zamonaviy tendensiyalari” mavzusida ilmiy-uslubiy seminar (davra suhbat) tashkil etish.	Toshkent davlat yuridik universiteti professor-o‘qituvchilari va tadqiqotchilari uchun “Yevropa Ittifoqiga oid fanlar sohasida ta’lim va tadqiqot metodlari” mavzusida ilmiy-uslubiy seminar (davra suhbat) tashkil etish. Bunda, hamkor universitetlar va tadqiqot markazlari vakillarining ishtiroki qo‘llab-quvvatlanadi.	2023-yil dekabr	D.Umarxanova, I.Ergashev, loyiha a’zolari
10.	Talabalar orasida “Yevropa Ittifoqi huquqi bo’yicha eng yaxshi maqola” tanlovini tashkil etish	Talabalar o‘rtasida 9-may – “Yevropa kuni”ga bag‘ishlangan “Yevropa Ittifoqi huquqi bo’yicha eng yaxshi maqola” tanlovini o‘tkazib borish. Bunda, loyiha shartnomasida belgilangan tanlovni o‘tkazish bo’yicha tartiblarga rioya qilish.	2024–2025-yillar	U.Sherxanova, loyiha a’zolari
11.	Xorijiy xizmat safarlarini tashkil etish	Loyiha a’zolarining har yili Brussel (Belgiya) shahrida bo‘lib o‘tadigan Jan Mone professorlarining	2023/2024, 2024/2025	Xalqaro hamkorlik boshqarmasi,

		yillik anjumani va xorijiy universitetlarning kutubxonalariga tashrifini tashkil etish.	o'quv yillari	D.Umarxanova
III. Baholash bosqichi				
12.	O'quv jarayoni va erishilgan natijalarni muhokama qilish va baholash	Har bir o'quv semestri yakuni bo'yicha loyiha a'zolari va Ta'lim sifatini nazorat qilish bo'limi vakillari ishtirokida o'quv jarayonining erishilgan natijalarini baholash va kelgusidagi ustuvor vazifalarni belgilash bo'yicha yig'ilish o'tkazish.	2023/2024, 2024/2025 o'quv yillari har semestr yakunida	D.Umarxanova, Ta'lim sifatini nazorat qilish inspeksiyasi, loyiha a'zolari
13.	Hisobotlarni tayyorlash va topshirish	1. Oraliq hisobotni tegishli tartibda tayyorlash va topshirish. 2. Loyiha natijalarini muhokama qilish natijasiga ko'ra yakuniy hisobotni tayyorlash va topshirish.	2024-yil yanvar 2025-yil may	D.Umarxanova, loyiha a'zolari
14.	Yakuniy bosqich muhokamasini tashkil etish.	Loyihaning yakuniy bosqich muhokamasini tashkil etish va o'tkazish.	2025-yil may	D.Umarxanova, loyiha a'zolari